

Bislip Radio Production Homenahe na Bobby Farrell



Tabata Dia 30 di December 2010 den oranan di mainta cu e noticia a yega cu e conocido cantante famoso di mundo y frontman di e grupo Boney M. Bobby Farrell a fayece na un hotel na St. Petersburg na Rusia despues cu Dia 29 di Januari 2010 Bobby Farrell hunto cu e grupo Boney M. a duna un concierto masha exitoso na Rusia y pa su siguiente dia ta fayece na hotel pa motibo di problema cu curazon.

Ta asina cu e mainta ey e conocido artista Bobby Farrell no a contesta e wake-up call di frontdesk di e hotel y na unda esnan di frontdesk mesora a bati alarma y a habri e porta di su kamber pero e no tabata duna señal di bida mas, tanto dokter y autoridadnan a wordo poni na altura y despues cu dokter a constata morto natural y un investigacion profundo awordo haci pa autoridadnan cu a bin constata cu Bobby a fayece un morto natural. E gran cantante aki cu fama mundial ariba nivel di artistanan grandi manera James Brown, ABBA, The Bee Gees, Michael Jackson y hopi otro mas. Bobby ta naci na Aruba Dia 6 di Oktober 1949 y ta di San Nicolas. E ta e gran cantante, bailarino y show man di fama mundial y e artista Arubano cu a yega mas leu den historia di Aruba. Su number mes ta Roberto Bobby Alfonso Farrell mihor conoci na mundo como Boney M. of e meneer di Boney M aunke e grupo su number mes ta Boney M. forma pa tres dama y un hende homber cu ta Bobby Farrell. For di su 15 Aña di edad Bobby Farrell a laga Aruba y a bay navega ariba barco. Bobby tabata biba prome na Noruega y Hulanda y despues a bay pa Alemania unda Bobby a bira un DJ masha conoci mes for di unda e productor Frank Farián di e grupo Boney M. a conoce y na Aña 1976 Bobby Farrell a bay forma parti di e grupo Boney M.

Mester menciona cu e grupo tabata tin su temponan bon y temponan malo cune. Diasabra Dia 8 di Januari 2011 cu Bobby Farrell a ricibi un entiero masha special na Hulanda cu tabata masha emocionante ora cu e bandera di Aruba a tapa e caha di Bobby Farrell Tanto na Hulanda y rond di mundo como tambe aki na Aruba por a mira con e cantante y bail arino di fama mundial tabata recore e cayanan di Amsterdam den e auto di morto. Roll Roys y cu su caha cubri cu e bandera di nos dushi isla Aruba cu eña stima asina tanto y na tur caminda cu eña viaha, semper eña papia di su isla stima Aruba. Durante e ceremonia di entiero varios artista a duna nan tributo na Bobby Farrell entre nan e tres integrantes di Boney M. y tambe tabata di aprecia con Minister Plenipotenciario sr. Edwin Abath a hiba palabra. Nos gran amigo Robby Schouten tambe a hiba palabra y a pidi standing ovation pa Bobby Farrell y alavez a cubri e entiero di Bobby Farrell pa television y pa cual nos ta aprecia masha hopi mes. Na Aruba e programa Hit Express den su prome edicion pa Aña 2011 esta Diamars Dia 4 di Januari 2011 a habri e programa cu un tributo chiquito dedica na Bobby Farrell cu a cuminsa for di 8'or di anochi te cu 9:30 di anochi pa cual programa a ricibi masha hopi reaccion y tambe un gradicimiento special di parti e yiu muher di Bobby Farrell, esta Zanillya den nomber di famia Farrell. Despues di a ricibi masha hopi yamada y reaccion ariba facebook relaciona cu e programa cu nos a presenta anteriormente, nos a dicidi cu Diamars awor Dia 11 di Januari 2011 e programa Hit Express ta presenta un homenahe special na sr. Bobby Farrell di un duracion di dos ora na GFM 99.9 Galactica ariba FM, ariba internet pa henter Aruba y rond di mundo via e website oficial di GFM 99.9 Aruba na <http://www.gfmaruba.tk> of via e internet y web radio di San Nicolas pa henter Aruba y rond mundo esta Radio Tropical Aruba di sr. Marcos Bislip Jr. y tambe

via e sistema cu ta full rond di mundo via internet via computer y via mobile na Stickam na <http://www.stickam.com/hitexpress> Hopi ta esnan cu na Aruba no conoce Bobby Farrell cu e tabata nos maximo representante y artista di fama mundial pesey nos a bin cu e website pa asina tur hende por conoce y sa con grandi Bobby Farrell tabata pa e mundo musical y di farandula mundial. Bobby Farrell a ricibi amplio publicidad y reconocimiento di parti di Billboard Magazine, BBC Entertainment, CNN World & Entertainment, TNT Noticias y hopi otro mas, e corantnan y revistanan mas famoso di mundo a duna publicacion di Bobby Farrell y na unda masha hopi artista di fama mundial na mundo a expresa e perdida di Bobby Farrell. Bobby tabata baila mescos cu James Brown y Michael Jackson. Cancionnan grandi di Boney M y Bobby Farrell tabata

Daddy Cool, By the Rivers of Babylon, We Kill the World den e decada di 80, Bahama mama, Sunny, Josephine Baker, Rasputin, Mr. Baker y hopi otro exito mas. Kalimba de Luna 1984 ta un cancion cu eña dedica na Aruba mencionando the land of sunshine with pretty ladies it's grooving in the white sand in the land of sunshine, eagle trip promocionando su dushi isla Aruba, hopi no sa con grandi Bobby Farrell ta mundialmente y con orguyoso nos mester ta di e Arubiano cu a yega mas leu te cu awor den exterior na nivel di Michael Jackson y hunto cu su grupo a competi cu gruponan grandi manera ABBA y otronan. Tristo ta cu nos mester laga un artista asina grandi fayece sin duna su reconocimiento ora cu e tabata na bida y te hasta nos futuro generacionnan di awor por a conoce di cerca y cu e pueblo di Aruba por a duna e reconocimiento cu e merece. Bobby a marca historia pa Aruba, awor despues di su morto Aruba su number a wordo publica den tur skina na mundo, Merca y mundo henter tin su Michael Jackson y Aruba y Europa y mundo henter tin su BOBBY FARREL cu mester wordo skirbi cu oro Dios laga cu un dia e estatua di Bobby Farrell y su museum por bira un realidad na Aruba, pa asina turista- y artistanan cu fama mundial cu conoce Bobby por bishita Aruba y mira Bobby su estatua y su museum na su isla natal. Tambe un website special a wordo traha pa tur e fansnan di Bobby Farrell na <http://www.bobbyfanclub.tk> pa Aruba y pa den exterior y ta na Papiamentu y ta conecta cu esun oficial den exterior di Bobby Farrell, danki na e cooperacion di e yiu muher Zanillya.

Pa mas informacion por tumar contacto cu Marcos Bislip di Bislip Radio Production na telefon 5657884 of por manda email na bobbyfanclubusa@gmail.com cual mensahenan ta wordo retransmiti tambe na e headoffice na Hulanda pa Zanillya.

Pa mas informacion por tumar contacto cu Marcos Bislip di Bislip Radio Production na telefon 5657884 of por manda email na bobbyfanclubusa@gmail.com cual mensahenan ta wordo retransmiti tambe na e headoffice na Hulanda pa Zanillya.

Marcos Bislip, Director di Bislip Radio Production

